

楚澤詞徵濱虹題

中華民國四年五月付印
中華民國四年七月出版

笠澤詞徵百尺樓叢書

定價金五角

編輯
行人兼

陳去病

印刷者

上海六馬路東新橋北首吉慶坊內
國光書局印刷所

發行所
上海拋球場北轉四雷渡路
國學保存會

上海棋盤街
廣益書局

上海六馬路東新橋北首吉慶坊內
國光書局印刷所

上海北泥城橋新馬路白克路
競雄女學校

版權
所有

笠澤詞徵

百尺樓叢書

卷二十七 補人

邑後學 陳去病輯錄

明

沈自繼字君善號寶威別號礙影居士平湖籍諸生明亡隱居平

邱有平邱集四種

沈家譜云居士工詩文尤善集唐性耿介不喜俗時佚誕似晉人手懸小牌上鐫不語戒

三字曾有貴人訪之曲致殷勤公瞠目直視出牌視之不交一語貴人去適周安期顧茂倫及其弟留侯來相與傾倒雄辨四出或譏其太過公指其口曰天生我口不解與僧父語若見快人不與語又安用我口耶初公嘗從懋所公謁高僧紫柏蓮池悅之欲棄家學佛年三十卽爲祝髮圖以見志後竟作浮屠以紫柏蓮池皆姓沈鐫一私印曰江東沈姓第三僧

西江月 贈楊長倩

心事數莖白髮

顧况

一生判却歸休

柳宗元

秣陵凋敝不勝秋

李嘉佑

京口

情人別久

張繼

瓜步寒潮送客

劉長卿

何如高臥東窗

王維

好風維屬往

來商

杜牧

北固山邊波浪

劉禹錫

臨江仙 哭僚壻張原張

蜀魄啼來春寂寞鵬來年華近過清明韓水流花謝兩無情崔槐煙乘

曉散李曉散李凌露觸蘭英元何處更求迴日馭李商有風有雨人行王建

寒空此夜落文星方可憐江浦望宋之波浪送銘旌孟郊

萬戶千門成野草劉禹天邊樹繞誰家皇甫冉九原松柏似煙霞李山甫

芝焚空歎息王物滄海有雲查杜甫榆莢散來星斗轉李商芙蓉園裏

看花王建知仙骨變黃芽戴叔倫塗芻隨晝哭權德輿清淚落悲笳柳宗元

清

沈自南字留侯號恆齋順治乙未進士知蓬萊縣沈家譜云先生素性簡亢嘗謁

大吏大吏曰以詩文示子稱某居官何也公覽畢盛稱其居官美

政大吏曰以詩文示子稱某居官何也公覽畢盛稱其居官美

那有閒心檢點及此由是失大吏意竟被劾而罷無何卒於官

邸邑紳沙尚書澄爲文以弔有清官可爲不可爲蒼天可問不

可問之句公爲人風流瀟灑詞令韶秀有晉人風度雖捷南宮

而淡於宦情兀坐著書不與世務每當良朋聚會飲酒賦詩清

言娓娓徹夜不倦所著有藝林彙考二百餘卷實爲經籍之禁
箋文章之圃田以卷帙浩繁先梓三十八卷行世又有歷代紀
事攷異樂府箋題等書

鷓鴣天 茗戰

潛賭蘭閨甘露涼香浮雀舌勝于槍玉壺傾倒非關渴冰碗淋漓太
覺狂陽羨紫霍山黃可人風味奈何郎憑伊善啜如王肅定爾投
戈月豔孃

黃

始字口口

小檀欒室閨秀詞鈔引宋旣庭和武進黃雲孫悼
聘妾周嫺嫺添字昭君怨云花墜金鈿難住玉碎

細鈎誰駐斷魂千里夢還時哭西施燕子春來歡會楊柳
風前憔悴王孫昨日看花人恨花神吳江黃始和作云云

添字昭君怨

愁到風愁不住愁到雨愁難駐風風雨雨五更時葬西施夢冷巫
雲曾會淚暖湘波猶悴妒花花訴惜花人怨花神

費

鴻字雲鴻號羽吉

減字木蘭花 雁字

橫空潑墨一抹遙天知幾筆鐵畫銀鈎何必眞從腕下求 江南江北不換山陰鵝一隻揮灑停勻枉殺當年王右軍
漏痕釵脚玉版霜毫安用著咄咄書空天矯雲烟墨似龍 斜斜整整散漫行閒渾未定不藉工夫米蔡蘇黃恣意塗

滿江紅 詠百舌

買盡東風衝烟霧五更聒噪憑利口瀾翻不定漫爭工巧戲水錦鴛眠未穩宿花翠蝶驚高調任冰絃銀燭響黃昏無其妙 也不管金闌悄也不惜芸窗老鎮喃喃絮語如啼欲笑叫破碧天紅日朗喚歸白月蒼山杳莫譏他絲管是南蠻誰能效

沈廷揚字天將號柯亭一號對圃

費開岐云柯亭天分勝人幼卽嗜學年未弱冠遷於吳門與郡

中諸名士往來唱和擊鉢豪吟而於家鄉稍爲疎落其爲詩存者實鮮沈氏詩錄云詩多警拔填詞更工知非阿私所好

念奴嬌 對影

遮遮掩掩猛思量底事依依難舍燭悄窗虛儂與汝此外更無人也
儂歎圍寬汝愁帶減那辨眞和假淒清如許空餘雙淚盈把 試問
傀儡場中炎趨冷避誰是忘情者偏戀寒氈同起臥不放燈殘月亞
兩兩相看似雙原隻默默終成啞無端怪爾唾壺爲甚幫打
費元衡字思任

水調歌頭 贈禾郡王廣文

吾道在何處絳帳邁高賢先生自此升矣魚集遇三鱣九坂途中驅
馭四子筵開講德著姓孰爭先載得嚴陵水流潤灌芝田 琴三弄
酒百斛腹便便雪深尺許驚報游酢立簷前會看鴛湖桃李盡被龍
門雨露到處產香荃聞道詩中畫摩詰筆如椽

沈 霆字威音

浣溪沙 疊原韵酬焦音

羽徵聲高下里低而今無復有鍾期不須惆悵和音稀 香豔直堪

追白石雌黃寧肯讓茗溪瘦吟樓上等身詞

潘

謙字敬亭有緯蕭詞

自序予盛湖菱渡之野人也學慙孤陋本不知詞而却嗜于詞嘗于暇日展閱

古人名作無不見獵心喜一日偶讀莊子列禦寇篇內有河上翁家貧恃緯蕭而食者云云因自喜面名其詞曰緯蕭

釵頭鳳

閨怨

康熙三十九年庚辰起予方二十歲

琴慵撫花當午尋香蛺蝶風前舞春光逼愁懷密標梅應賦已三其實七七七 詞休譜言難吐頻年待字偏多阻期無必時何及鄰閨諸女盡皆成匹一一

採蓮子

本意傲花間集皇甫松體併和原韵

四十年辛巳

翠蓋紅衣映碧流

舉棹

蘭橈雪腕蕩輕舟

少年

延緣誰解儂心喜

舉棹

不採

孤花採並頭

少年

纔折香蓮一兩枝舉年棹絲牽未斷故遲遲少同行拍手促歸去舉棹笑執

軍持不自持少年

菩薩蠻 春日邨居每句限用一美人名

綠楊陰裏低飛燕漢成帝之寵妃落花風急飄紅線薛嵩侍婢能通劍術引動小兒平

陽侯之侍女即譚拾來鬪麗華光武帝之后也莫愁洛陽女也詳梁武帝河中也春漸

老塵外尚書張風光好不上木蘭唐時俠女居於商邱曾代父戍邊舟因余楚國春

也嬾出遊

前調 四季閨情

東風掃入間庭院落花亂舞臙脂片獨自倚粧樓情牽脈脈留愁

懷思習靜鶯舌偏多佞不顧惱紅閨聲聲只管唬

垂陽嘒嘒蟬聲鬧炎蒸池閣應難到繡榻玉肌香風生枕簟涼湘

簾垂景寂悄試蘭湯浴浴罷啓牕沙憑欄看藕花

颼颼落葉隨風捲寒衣欲製金剪晝短易消磨更長奈爾何樓前

楓影赤洲上蘆花白雁字寫晴空郎書沒一封

連朝膝六續紛下水釵幾股簷牙挂纖指怯寒芒無心理繡牀紅

爐時偎傍煖入銷金帳獨坐泛流霞終難及黨家使陶穀事

沈

彤字冠雲號果堂

去病案先生覃精經術爲世鴻儒而亦兼工倚聲洵自有宋時齋以來一人而已亦

見詞隱先生遺澤之長而承平閒暇得從容講藝也可勝歎慕厥後南一又以儒生工於填詞誠松陵沈氏佳話也

月中行 夜雨不寐

芭蕉可奈雨聲何鴛夢攪風波怪他點滴向心窩怎睡也麼哥須

知轉側愁難遣偏吝却半枕南柯睡濃猶未得逢他何況醒時多

潘

眉字壽生自號青棠館主有小遂初堂集

去病案壽生蘆虛人與頻伽交契晚

歲移家魏塘亦緣鄰氏昆季有夙昔之雅耳

菩薩蠻

陳少眉載春圖

春山雙髻春人麗春波一道春愁膩兩槳過紅橋春風送燕梢錦
帆歸去早載得春多少春去最堪憐楊華飛滿天

鳳皇臺上憶吹簫 陳子玉鄧尉尋春圖

平崦雲流疎林雪霽東風已弄晴妍怪妖紅豔紫未放春顛不分枝
南枝北早喚起翠羽清圓春來未虎山橋下水已如烟 嬋娟舊時
澹月曾照我鄉園吹送年年笑銅坑舊約雙屐猶懸不及清游年少
早畫就風帽披肩還能否三枝兩枝分供窗前

嚴湘帆字衡九號曉山有宜夢樓詞

去病案曉山同里人名不甚著友人沈大椿嘗得其殘稿

兩峽一曰蕉雨山房稿係少作一曰宜夢樓詩集中有與鄧復翁鄭瘦山倡
僅弟十卷耳它均不可問矣細攷集中有與鄧復翁鄭瘦山倡
和之作而編年至丁丑
止蓋嘉慶二十二年也

唐多令 客中歲暮

征雁嘹長空清霜滿地濃倚闌千愁絕西風記得出門春尙早曾幾

日又殘冬 往事歎無窮浮生一夢中二十年身世萍蓬擬向君平
重卜兆問衰運幾時通

前調 春遊

野外倚孤松溪花偎岸紅愛江村好景無窮黃鳥引人啼不住楊柳
岸板橋通 蕭寺一聲鐘遊人萬慮空望天邊嵐翠重重茅店酒旗
招客醉長搖曳夕陽中

西江月 夢遊浣香樓

燕子樓頭一別須臾十四春秋夢中重上玉人樓往事不堪回首
玄髮已成華鬢對花應自含羞貞孃芳冢漸成邱唯有江山依舊

臨江仙 宮怨

宮院沉沉聽曉漏漏聲偏惹愁濃低垂小袖倚薰籠淚拋紅豆落眉
鎖遠山重 日夜思君君不見誰憐憔悴花容長門贏得首飛蓬玉

堦春草綠宮殿落花紅

王 棠字臺叔

去病案臺叔爲研農徵君之弟有詞一卷余求之久不可得陶君亦園出示此圖幸得一閱真吉光

也片羽

百字令 題顧菊蘂蒨葭秋水圖

秋光老去聽西風湖上夜潮橫捲葭蒨蕭蕭沿岸曲遙間柳條長短
亂葉欹烟涼花點雪獨立斜陽晚平沙雁語艣聲依約淒斷 凝想
三月芳時河魴乍上紫簡添新饌一自繁霜初落後又見冷雲吹滿
客舫寒依漁磯低傍秋士多清感月華昭夢伊人悵望天遠

葉蘭生字楚香

慶宮春 題顧菊蘂蒨葭秋水圖

片片西風帶雲斜去蒼然天水相永呼我閒漚翩然欲遠背人搖弄
虛暝釣徒何處蕩寒雪斜陽中影對人欲笑兩兩浮眉淡妝初竟

依稀越尾吳頭好夢圖成浮家情景繁華怕到蘆中人老白頭堆上
明鏡絮因飄泊儘牽惹絲菱緯荇秋心留得如此盈盈舊盟還認

費卿榮字綬堂

千秋歲

城囂睥睨愛傍湖山際古稀壽太平世懸弧榴吐豔絲恰長生繫開
華筵定逢南極星臨第鳩杖賓筵曳桂馥蘭芬繼壺公心夙契追
步阿咸輩稱觴宜一例願此後年年添籌計

計

棠字慰楓號埜逋

沈大椿云埜逋道光時人工詞曲善丹青家貧課蒙爲生博通經史著有雨窗戰鶯

語錄兩集年四十餘卒書未行世

滿庭芳 水仙

切玉無情剖珠傷雅生成別樣身裁淩波舒笑佳種費人猜也是河
陽縣裏何緣在碧水塵埋端相久塵埃洗盡幽韻脫凡胎 低頭如

欲訴生平辛苦運蹇時乖被霜欺雪壓冷淡磨揩憔悴江皋石畔有
誰問來歷根荇清魂凝結聊伴小書齋

任廷昶字彥卿

滿江紅 題計慰楓書劍飄零圖

偌大乾坤何處著狂生面目須信道學書學劍儒冠桎梏一霎春光
歸去也西風遑恤悲秋玉笑兒曹還說甚功名蠻和觸 句引起愁
眉蹙勃跳起雄心盡問龍門何處窮途一哭青眼論交知己少酒酣
合把離騷讀歎生平慷慨兩心同腸迴轍

于清字問樵

明月棹孤舟 題葉漁莊承桂五湖漁莊圖

隨意數椽依曲渚映螺峯四圍雲護瑟瑟青蒲絲絲碧柳搖碎一莊
烟雨 中有著書人閉戶伴蕭閒客師漁父風月佳時林巒勝處欲

訪君幽墅

張益齡字子謙諸生著有巽峯閣詞一卷

蝶戀花 題陶譜琴幽篁獨坐圖

萬个簷簷青染鬢
莽莽紅塵獨闢清涼境
露滴無聲風乍定
相招煙雨詩人影
廣廈經營精力盡
雛鳳書聲懶倚牆
頭聽逸趣雅宜空
際領不須留客饒清興

葉錦葵字友蓮同治己巳府學歲貢生有小疎香閣詞

賀新郎 賀范少臺新婚

少伯稱英傑
况金閨有人如玉
早盟鴛牒
身處繁華休戀戀
正是瑟琴情熱
應饋遍桃花和雪
一舸載疑天上坐
致纏綿枉說心如鐵
連番話調百舌
同遊禊水生涯拙
目放眼紅樓美人環列
只看得平
平淡淡心地光明
峻潔笑世上風流競說
今日言旋歌燕喜慕梁鴻

長綰同心結海棠睡一雙蝶

更漏子 贈別

好春光時更早路不嫌他遼遠且告別下回來蓬門爲我開 歸去
矣卅餘里風順恰隨流水舫一舫到梨花梨花正落霞

惜分釵 慰范璧卿悼亡

年四十琴歌杳淚洒重泉知多少面翻青心似冰不須絃續永守釵
分慙慙 人去也情難捨栽培子女計深遠玉一枝佳孩兒榮封紫
誥晏領瑤池奇奇

玉樹後庭花 賀范望溪表兄令郎周啐

天錫麒麟徵瑞異牽衣嬉戲培養蘭堦成大器兩全名利 薦藟高
附多遺累蒙君相愛姻亞重聯如不棄還要嘉賴

東風第一枝 贈范菊人表兄